

東鹿縣志卷五

翰林院編修沈樂善

戶部主事裴顯相全輯

東鹿縣知縣李符清

學校第五

學記曰比年入學中年考校前漢書曰郡國曰學侯國曰校成周之際自王國及鄉遂州鄙靡不立學漢唐郡縣或無學而有廟宋慶歷間郡縣始皆有學邑學建於明季移城之後草創初就

國朝百餘年來規模迺大備夫學校之盛守令師儒責也鹿城近在

東鹿縣志卷五

學校

學宮

畿輔士習素淳惟在循名責實一由於德行道藝俾藏修游息以成其材斯為嫩耳故謹詳學校之制度典禮而以書院義學附焉志學校

學宮

文廟等處地基長四十丈六尺南濶十八丈五尺北濶二十一丈六尺

大成殿二十五間高四丈長七丈

東廡七間高一丈長八丈

西廡七間高一丈長八丈

戟門六間高二丈五尺長三丈

崇聖祠三間高二丈五尺

名宦祠三間高一丈戟門左偏
鄉賢祠三間高一丈戟門右偏
櫺星門六間高二丈長三丈

東西牌樓兩座高二丈

泮池向在戟門外乾隆六年知縣王天慶移池櫺星門
外二十七年知縣李文耀通水入泮池

以上自大成殿至泮池乾隆五十九年知縣李符清
重修

忠義節孝祠向建大悲寺內乾隆二十六年知縣李文
耀捐貲構學宮前地畝餘建祠各三楹節孝祠日久傾圮
嘉慶三年邑紳張嗣房捐貲改建於櫺星門內

東麓縣志卷五

學校

學宮

二

奎樓位城垣東南隅

明倫堂三間出簷

敬一亭

尊經閣二層

儀門三間

大門三間

東官舍三層共十四間

西官舍三層共十八間

以上自奎樓至官舍凡數處乾隆十一年知縣陳文
合重修

祀典

文廟正殿祀

至聖先師孔子

謹案孔子廟設像朱子白鹿禮殿塑像說指其非禮但設像自古有之有石像有畫像有塑像華陽國志文翁爲蜀郡守造講堂作石室一名玉堂安帝永和初開烈火爲災堂及寺舍並皆焚燎惟石室獨存宋舊休復益州名畫錄云高朕周公禮殿其壁上圖畫上古盤古李老等神及歷代帝王之像梁上又畫仲尼七十二弟子三皇以來名臣耆舊云西晉太康中益州刺史張收筆水經注謂魏黃初二年文帝令郡國修孔子廟有像弟子執卷立侍疑魏晉以後塑像實始於此自明嘉靖九年學宮易像爲木主宋文恪訥國子監碑日知錄引之蓋明太祖雖定其制至嘉靖而始行乃今曲阜孔林猶有大塑像又孔子有畫本傳是子貢所畫晉顧凱之重摹其信然耶

四配

復聖顏子

宗聖曾子

述聖子思子

亞聖孟子

謹案魏正始時祀孔子以顏淵配北齊釋奠亦以顏配而有拜孔揖顏之禮其晉宋梁陳及隋皆以孔爲

先聖顏爲先師唐貞觀定議以孔子爲先聖以顏回配高宗總章元年以顏曾並配享孔子廟疑未舉行故明皇開元時特塑曾子像坐於十哲之次宋真宗大中祥符元年幸孔林追謚曰元聖文宣王追封叔梁紇爲齊國公顏氏魯國夫人伯魚母_音氏_音鄆國夫人封堯公顏回爲兗國公五年以國諱改謚孔子至聖文宣王神宗元豐六年封孟子爲鄒國公七年以孟子配食文宣王哲宗卽位詔顏子孟子配享孔子廟廷徽宗大觀二年躋子思從祀是特在從祀之列而已度宗咸淳三年行釋菜禮封曾參鄒國公孔伋沂國公與兗國公顏回鄒國公孟軻同配享升

子張十哲此聖廟四配之始也其序兗鄒沂鄒居正位之東面西向爲配位十哲居殿上東西向爲從祀元文宗至順元年加封孔子父齊國公爲啟聖王母魯國太夫人爲啟聖王夫人封顏子兗國復聖公會子鄒國宗聖公子思沂國述聖公孟子鄒國亞聖公此四配稱聖之始也唐宋俱以亞聖稱顏子元以亞聖稱孟子蓋本趙氏岐孟子題詞所謂命世亞聖之大才者也宋史書名元史則稱子明嘉靖九年定議孔子神位題至聖先師孔子去其王號及大成文宣之稱其四配稱復聖顏子宗聖曾子述聖子思子亞聖孟子十哲以下及門弟子皆稱先賢某子凡學別

立一祠祀叔梁紇題啟聖公孔氏神位以顏無繇曾
點孔鯉孟孫氏配俱稱先賢某氏

十二哲

先賢閔子

先賢冉子

先賢端木子

先賢仲子

先賢卜子

先賢有子

先賢冉子

先賢宰子

東鹿縣志卷五

學校

祀典

五

先賢冉子

先賢言子

先賢顓孫子

先賢朱子

東廡從祀

先賢蘧瑗

先賢澹臺滅明

先賢原憲

先賢南宮适

先賢商瞿

先賢漆雕開

先賢司馬耕

先賢梁鱣

先賢冉儒

先賢伯虔

先賢冉季

先賢漆雕徒父

先賢漆雕哆

先賢公西赤

先賢任不齊

先賢公良儒

先賢公肩定

東鹿縣志卷五

學校

祀典

六

先賢鄒單

先賢罕父黑

先賢榮旗

先賢左人郢

先賢鄭國

先賢原亢

先賢廉潔

先賢叔仲會

先賢公西與如

先賢邾巽

先賢陳亢

先賢琴張

先賢步叔乘

先賢秦非

先賢顏噲

先賢顏何

先賢縣直

先賢樂正克

先賢萬章

先賢周敦頤

先賢程顥

先賢邵雍

東鹿縣志卷五

學校

祀典

七

以上先賢三十九位

先儒公羊高

先儒伏勝

先儒董仲舒

先儒后蒼

先儒杜子春

先儒諸葛亮

先儒王通

先儒范仲淹

先儒歐陽修

先儒楊時

先儒羅從彥

先儒李侗

先儒呂祖謙

先儒蔡沈

先儒陳淳

先儒魏了翁

先儒王栢

先儒趙復

先儒許謙

先儒吳澄

先儒胡居仁

先儒王守仁

先儒羅欽順

以上先儒二十三位

西廡從祀

先賢林放

先賢宓不齊

先賢公冶長

先賢公皙哀

先賢高柴

先賢樊須

先賢商澤

先賢巫馬施

先賢顏辛

先賢曹卹

先賢公孫龍

先賢秦商

先賢顏高

先賢壤駟赤

先賢石作蜀

先賢公夏首

先賢后處

先賢奚容蒧

東鹿縣志卷五 學校 祀典

九

先賢顏祖

先賢句井疆

先賢秦祖

先賢縣成

先賢公孫句茲

先賢燕伋

先賢樂欬

先賢狄黑

先賢孔忠

先賢公西蒧

先賢顏之僕

先賢施之常

先賢申棧

先賢左邱明

先賢秦冉

先賢牧皮

先賢公都子

先賢公孫丑

先賢張載

先賢程頤

以上先賢三十八位

先儒穀梁赤

東鹿縣志卷五

禮典

十

先儒高堂生

先儒孔安國

先儒毛萇

先儒鄭康成

先儒范甯

先儒韓愈

先儒胡瑗

先儒司馬光

先儒尹焞

先儒胡安國

先儒長枻

先儒陸九淵

先儒黃幹

先儒真德秀

先儒何基

先儒陳澔

先儒金履祥

先儒許衡

先儒薛瑄

先儒陳獻章

先儒蔡清

先儒陸隴其

以上先儒二十三位

正位陳設祝板一高九寸廣一尺二寸有架血豆一禮

神制帛一白色爵三登一銅二簋二簋一籩十豆十牛

一俎羊一俎豕一俎饔二鑪一尊一有勺疏布

四配位陳設東西各二案帛一白色爵三銅二簋二簋

二籩八豆八羊一豕一同俎饔二鑪一尊一有勺疏布

器

十二哲陳設東西各一案帛六白色爵三銅一簋一簋

一籩四豆四羊一豕一同俎饔二鑪一尊一

兩廡陳設東西各二案三俎帛各一爵各三簋各一簋

各一籩各四豆各四羊三豕三每羊一豕一同一俎凡

三俎鐙各二鑪各一尊三同坩有勺疏布冪

前祭二日地方官率教官掃除廟內外蠲滌墜坎設次於櫺星門內左偏西向並主祭分獻陪祭各官坐次陳鼓左側櫺星門外右偏東向設榜亭一座下馬牌東西二十步所各列一牌當祭禁人來往前一日辰刻教官出祭器陳列明倫堂設香案於牲房外日午地方官偕陳設官先一日委派恭捧主祭官祝板及各承祭官執事生姓名勝行禮位次圖至學宮奉安祝板於祝案前正中詣

至聖先師神位前上香三炷行一跪三叩禮退掛榜亭內詣明倫堂監視祭器滌濯畢實籩豆絜尊加勺冪陳列

堂上正中候主祭官親詣省視如攝行則禮有差次臨時酌定執事官及在廟之襄事各生齊集堂之左右工歌陳樂於堂之前楹樂舞生各具服執籥秉翟齊集堂階下俟演習禮樂日晡後主祭官具吉服至明倫堂升座座偏左南向各官以次三揖畢主祭官起省饌豆禮尊唱贊生唱詣省牲所引贊生前引并贊省牲執事者牽牲過香案前省畢唱復位主祭官復位各官以次序坐左一行西向唱贊生請演禮禮如正祀獻帛爵等儀遣員代攝樂舞生請演樂樂如正祀演畢主祭官啟行各官隨出

祭之日四鼓教官率各執事人陳設祭器祭品牲俎於

各

神位前工歌陳龔箎琴瑟鼓祝故等訖各齊集廟門外待
事五鼓主祭官分獻官陪祭官各朝服詣廟門外下輿
馬步行由櫺星左右門入文左武右升次序坐執事生
皆侍立茶二巡畢陰陽官報聲鼓唱鼓初嚴鼓初徐後
疾以百桴爲節在廟胥役及各官從人等俱出赴巡警
牌外司巡人役各就牌下立禁止閒人少選唱鼓再嚴
主祭官分獻官陪祭官俱起立整冠帶歛容出幄次唱
贊者先入就位各執事生以次俱入序立東西階下樂
舞生序立丹墀兩旁少選唱鼓三嚴引贊生引主祭官
以下魚貫入戟門內就拜位旁立文在拜位左武在拜

位右唱贊生唱樂舞生各就位各執樂器舞器按位立
唱執事者各執其事司尊者就尊所立助獻生分東西
陞上進殿左右門各就應侍拜次左右立唱主祭官就
位俟立定唱分獻官就位俟立定唱陪祭官各就位俟
各立定唱班齊瘞毛血助獻生徹毛血槃寘于坎祭畢
同饌豆瘞唱迎神司樂唱舉迎神樂奏昭平之章引贊
生贊跪主祭官以下皆跪贊三跪九叩首贊與樂止唱
行初獻禮司樂唱舉初獻樂奏宣平之章引贊生前引
并贊詣盥洗所濯水進巾分獻官各盥洗如儀贊詣醴
尊所司尊者舉冪酌醴執帛者捧帛執爵者捧爵引主
祭官自東階上進殿左門贊詣

主聖先師孔子神位前跪左右獻皆跪獻帛右助獻帛篚授主祭官主祭官舉拱授左助獻奠神位前獻爵如獻帛儀贊叩首贊興贊詣讀祝位跪引主祭官詣祝案前跪讀祝者舉祝板旁跪唱分獻陪祭各官皆跪樂止贊讀祝文讀畢仍安原位樂作贊叩首贊興主祭官以下皆同贊詣

復聖顏子神位前引主祭官就案前立贊跪贊獻帛如前儀贊獻爵如前儀贊叩首贊興贊詣

宗聖曾子神位前禮如前儀贊詣

述聖子思子神位前禮如前儀贊詣

亞聖孟子神位前禮如前儀贊其

十二哲分獻官

兩廡分獻官於讀祝後唱贊生唱行分獻禮各引贊生引各分獻官就神位前行禮俱照主祭官初獻儀注初獻禮畢贊復位引主祭官自殿右門出由西階下十二哲分獻官就所獻東西階下樂止唱行亞獻禮司樂唱舉亞獻樂奏秩平之章引主祭官各分獻官升階獻爵如前儀亞獻禮畢贊復位引主祭官分獻官俱復位如前儀樂止唱行終獻禮司樂唱舉終獻樂奏敘平之章引主祭官分獻官俱復位如前儀終獻禮畢贊復位引主祭官分獻官俱復位如前儀樂止唱飲福受胙引上祭官自東陞上進殿左門贊詣飲福位贊跪助獻二

名捧酒胙立於右又二名跪於左贊飲福醴主祭官受酒啐授爵於左跪者贊受福胙受胙拱舉授左跪者贊叩首贊興贊復位唱謝胙跪主祭官以下皆跪贊一跪三叩首贊興贊徹饌司樂唱舉徹饌樂奏懿平之章助獻生舉饌出殿左右門由東西階下樂止唱送神司樂唱舉送神樂奏德平之章唱跪主祭官以下皆跪唱三跪九叩首唱興唱讀祝者捧祝司帛者捧帛司饌者舉饌詣瘞所讀祝者先跪取祝文司帛者次跪取帛司饌者舉者舉饌二豆向外立正祀由殿中門出左配左哲由殿左門出右配右哲由殿右門出兩廡各於其門出隨班往瘞所各捧跪於瘞坎之西唱望瘞唱詣望瘞位主祭唱禮畢

崇聖祠

雍正二年追封

孔子五代王爵改啟聖祠爲

崇聖祠

崇聖祠三間正中南嚮祀

肇聖王木金父公

裕聖王祈父公

詒聖王防叔公

昌聖王伯夏公

啟聖王叔梁公

東西配位

先賢顏氏無繇

先賢曾氏點

先賢孔氏鯉

先賢孟孫氏激宜

東西從祀

先儒周輔成

先儒程昞

先儒蔡元定

東鹿縣志卷五

禮記

士

先儒張廸

先儒朱松

正位陳設祝版一制同前血豆一帛五白色爵五釶二

簠二簋二籩八豆八羊一豕一同俎鐙二鑪一尊一有

勺疏布冪

配位陳設東西各一案帛五白色爵三釶一簠一簋一

籩四豆四羊一豕一同俎鐙二鑪一尊一有勺疏布冪

從祀陳設東西各一案帛一白色爵三簠一簋一籩四

豆四羊一豕一同俎鐙二鑪一尊一有勺疏布冪

丁祭日

崇聖祠行禮引贊生引入崇聖祠唱贊生唱執事者各跪

其事司尊者就尊所立助獻生分東西階升各就應侍
拜次前立唱主祭官就位俟立定唱分獻官各就位俟
各立定唱瘞毛血助獻生徹毛血漿如儀唱迎神跪主
祭官以下皆跪贊二跪六叩首贊興唱行初獻禮引贊
生前引并贊詣盥洗所濯水進巾詣醴尊所司尊者舉
冪酌醴執帛者捧帛執爵者捧爵引主祭官自祠左門
入贊詣

五聖王神位前跪獻帛授篚奠篚如儀獻爵爵五舉贊叩
首贊興贊詣讀祝位跪引主祭官詣祝案前跪讀祝者
舉祝版旁跪唱分獻官皆跪贊讀祝文讀畢如儀贊叩
首贊興贊詣

先賢顏氏神位前跪獻帛授篚奠篚如儀獻爵爵一舉
贊叩首贊興贊詣

先賢曾氏神位前禮如前儀贊詣

先賢孔氏神位前禮如前儀贊詣

先賢孟孫氏神位前禮如前儀贊其從祀分獻官於讀
祝後唱贊生唱行分獻禮二引贊生引二分獻官就東
西神位前行禮俱照主祭官初獻儀注初獻禮畢贊復
位唱行亞獻禮引贊如前儀亞獻禮畢贊復位唱行終
獻禮引贊如前儀終獻禮畢贊復位唱飲福受胙引主
祭官自祠左門入贊詣飲福位贊跪左右助獻如儀贊
飲福醴受福胙如前儀贊叩首贊興贊復位唱謝胙跪

主祭官以下皆跪贊一跪三叩首贊與唱徹饌助獻生
舉饌出如儀唱送神跪主祭官以下皆跪贊二跪六叩
首贊與唱讀祝者捧祝司帛者捧帛司饌者舉饌詣瘞
所唱望瘞瘞坎東西各一人舉牲醴及饌瘞主祭官以
下各面坎立唱焚祝帛瘞饌豆唱復位引贊生引主祭
官以下俱出復次

名宦祠

順治九年定名宦鄉賢令各學官務須覈實確據非年
久論定者不得舉雍正二年題准名宦鄉賢行令各省
督撫學臣秉公詳察如果功績不愧名宦學行允協鄉
評者將姓名事實送部仍准留祀

陳設爵三簋一簋一籩二豆二羊一豕一同俎鐙二鑪
一尊一有勺疏布霽香槃一

丁祭畢教官詣祠行一跪三叩首禮

名宦

金知縣韓志

元知縣袁彥通

元知縣程述

明知縣高楫

明知縣黃子嘉

明刑部侍郎都察院副都御史盛

馬

明知縣周冕

明知縣閻濟

明知縣白鑑

明知縣崔廷槐

明知縣李華魯

明知縣楊琦

國朝

都察院謚勤愍朱昌祚

兵部右侍郎朱宏祚

都察院于成龍

江南學政邵嗣堯

都察院沈朝聘

東鹿縣志卷五

學校

祀典

九

都察院李蔭祖

都察院趙宏燮

知縣談天祐

知縣陞任河間府知府徐可先

知縣李適新

鄉賢祠

陳設儀注與各宦同

鄉賢

北齊東郡太守孟業

唐饒陽禪將張興

宋貝州判董元亨

元左丞耿煥

元教授穆茂

明靖遠伯謚忠毅王驥

明翰林院檢討甄諫

明吏部尚書謹身殿大學士謚毅愍王文

明禮部尚書王宗彝

明御史賈運

明戶部主事賈道

明太子少保工部尚書賈俊

明御史喬英

明兩淮鹽運使孫延

東鹿縣志卷五

學校

祀典

二十

明知縣尚恪

明濟南府同知翟化儒

明河南睢陳道陞口北道右叅政張鵬翀

國朝

贈奉政大夫山東按察使司僉事明山東昌邑縣知縣
殉節李萃秀

案明宏治九年王雲鳳字應韶遼州和順人成化甲
辰進士仕至巡撫宣府為祠祭郎中請天下府州縣
學校悉立名宦鄉賢祠遂為定制考漢循吏傳元始
四年詔祀百辟卿士有益於民者蜀郡以文翁九江
以召父應詔書歲時郡二千石率官屬行禮晉書陸

雲爲浚儀令去官百姓追思圖畫形像配食縣社此
名宦之義也傳曰鄉先生沒其人可祀於社者謂之
馨宗此鄉賢之義也鄉賢之附學宮起自北宋宋史
鄭俠卒州縣皆祀之於學楊慈湖之門人錢時理宗
寶祐間守臣季鏞祀於學王圻續通考度宗咸淳中
蘭溪金景文事親至孝知縣沈應龍以景文及陳天
隱董少舒請立碑建祠於學宮之後名三賢堂文天
祥自童子時見學宮所祀鄉先生歐陽修楊邦乂胡
銓像皆謚忠卽欣然慕之然其時未嘗有鄉賢之名
婺源建鄉賢祠祀朱文公其地不必在學宮而鄉賢
之名始於此矣名宦之附學宮起自南宋紹興中張

通知桂陽監修庠序之教祀漢以來守令有功德於
桂陽者衛颯唐羗等七人於學寧宗時許奕知遂遠
府民德之畫像祀於學沿及元末順帝時游宏道爲
化州通判海寇犯境戰死祀於文廟側是皆未嘗有
名宦之名其祀或出於官或出於民皆本公論明制
定自朝廷續通考載直隸提學御史陳子員請郡邑
學宮名宦鄉賢之秩祀皆當屬之提學官別衙門不
得越俎允行明會典載萬歷二年令各撫按釐正名
宦鄉賢有不應入祀者卽行革黜又如成化中給事
王徽以論宦官牛玉謫晉安州判將卒屢戒其子欽
佩曰鄉賢祠甚雜亂吾恥居其中切不可入論牛玉

在成化時尚未立鄉賢祠其卒必已在宏治或宏治後宏治中劉健爲相時河南有司欲以其封翁入鄉賢劉謝曰吾郡鄉賢祠有二程夫子在吾父何敢並焉王劉之論其非後人所能及矣

學額

弟子員

額設廩生二十名

增生二十名

附生無定數

童生入學二十一名

武童入學十五名

東鹿縣志卷五

學校

學額

五

康熙三年以前武童入學俱附入大寧衛自四年後改入州縣儒學

歲貢二年一貢康熙三年停止康熙八年復貢

教法附

宋大觀元年詔布周官八行八刑之法於學宮令所在鐫刻淳祐六年御書白鹿洞教條頒示各學及書院立石明洪武十三年頒示榜文於天下令儒學刻石於明倫堂之左謂之卧碑

國朝令禮部改定條約仍立之今書木牌於明倫堂右每日教諭訓導官坐於堂鳴鼓諸生升堂已乃退就舍訓導進諸生於齋日誦讀焉及夜諸生各就舍誦讀學官

時或臨之月三六九日進諸生於堂講書作文如約月朔望縣官率學官及諸生謁

先師廟畢進諸生於堂講學如今月朔望學官率諸生詣縣揖縣官畢退乃就學

凡進表慶節習儀迎詔釋奠鞭春鄉飲上任習射習冠俱於學擇諸生之優於禮者爲贊者爲執事者

每祭祀諸生隨縣官致齋如約每歲正且端午重九冬至許諸生假諸生有期功服亦許假

鄉試會試中式者與貢者縣官籍其名勒石以立於學宮

鄉飲酒禮歲正月望十月朔於縣學明倫堂舉行古有

東鹿縣志卷五

學校

學額

三

笙有瑟有磬有枹有勺有洗有斯禁有篚有壺尊有罍今僅有罍有爵有鐘有鼓知縣率僚屬迎賓於大門外既入行禮大賓位於西北介西南衆賓正西主位於東南僎東北僚屬正東司正以教職爲之賓以下序齒主以下序爵僎則鄉人仕至大夫助主人而遵法者也禮生共三十一通贊二引贊四工歌八擊鼓一擊鐘一磬代讀律一讀誥一歌詩一執事十有二

學田

五十畝

一段坐落舊城北石家莊西十畝

一段坐落北謝村東四十畝

書院義學附

南池書院在城內文昌宮側乾隆三年知縣王天慶建
有記載藝文志二十四年知縣李文耀重修有記亦載
藝文志歲久圯知縣李符清蒞任後重葺學舍一新
南池書院膏火地舊有南謝村糧地三十二畝五分
百尺口小地六畝舊城小地六畝又路過村糧地二
十二畝四分九釐原係前令查公祠香火地武舉李
濟衆管理後住持在逃香火久廢知縣李文耀撥入
書院智邨村小地三十畝原係廢寺遺產合村公議
助作學田知縣李文耀准撥入書院知縣李符清於
五十四年撥入木邨村義學地五十四畝五十九年

東鹿縣志卷五

藝文志

書院

又撥入止呂村義學地十六畝嘉慶七年又撥入王
下村吳夢霄入官地三十八畝以供諸生膏火更爲
延名師主講近年科名相望而文風亦蒸蒸日上
按書院之建自唐元宗於麗正殿置修書院人稱麗
正書院其後創集賢書院者二嗣是讀書之地皆稱
書院呂溫有題尋真觀李寬中秀才書院詩此卽宋
四大書院之一也四大書院者何有謂徂徠金山岳
麓石鼓者見范石湖石鼓山記有謂天下四大書院
二在北二在南在北者嵩陽睢陽在南者岳麓白鹿
洞見吳草廬重建岳麓書院說文獻通考四大書院
乃白鹿洞石鼓應天府岳麓四處論其創建之先後

則石鼓最在前唐元和間衡州秀才李寬中所建卽
刺史河中呂溫題詩者朱子石鼓書院記作李寬次
白鹿洞南唐升元中白鹿洞建學館以本道爲洞主
掌其教授次岳麓宋太祖開寶中郡守朱洞始創宇
其譏則創自彭城劉摺又次應天府宋真宗大中祥
符二年應天府民曹誠卽楚邛戚同文舊居造舍百
五十間聚書數千卷博延生徒講習甚盛府奏其事
其名聞朝廷也則白鹿洞爲始太宗太平興國二年
賜國子監九經本次應天府大中祥符二年賜額次
岳麓大中祥符八年詔賜書院名增賜中秘書次石
鼓學田記云宋景祐丙子賜額蓋仁宗景祐三年也

通考序於真宗之前俟考四書院雖並稱而賜額賜
書則經太宗真宗仁宗三朝先後六十年之事馬氏
又言西京嵩陽書院賜額於太宗至道二年江寧府
茅山書院賜田於仁宗天聖二年嵩陽茅山後來無
聞獨四書院之名著後所在書院尤多而其田土之
錫教養之規往往過於州縣學蓋皆欲倣四書院也
辛集鎮義學一所坐落七家堂知縣王天慶建立牌坊
日久朽壞知縣李文耀重修

膏火地二十八畝外堂前舖舍租價錢二十千爲館

師脩脯

馬蘭村義學一所

膏火地三十四畝

白店村義學一所

膏火地四十畝

北郭村義學一所

膏火地七十二畝

杜河莊義學一所

膏火地十畝二分

西狼穴義學一所

膏火地五十九畝九分三釐

南龐村義學一所

膏火地十一畝三分六毫

東鹿縣志卷五

美

小章村義學一所

膏火地十七畝四分四毫

北營村義學一所

膏火地三十四畝三分七釐

耿虔寺義學一所

膏火地二十七畝

明了營義學一所

膏火地三十三畝六分

范家莊義學一所

膏火地四十一畝

尖村義學一所

膏火地八畝

辛興路義學一所

膏火地四十八畝

東天宮義學一所

膏火地四十六畝

南小陳義學一所

膏火地六十畝